



**Rigor Moderatus Doctrinæ Pontificiæ Circa Usuras A SS.  
D. N. Benedicto XIV. Per Epistolam Encyclicam Episcopis  
Italiæ Traditus**

Sancti Rigoris Specimina Exhibens - Mense Decembri M DCC XLVII

**Zech, Franz Xaver**

**Ingolstadii, 1747**

Caput III. Specimen III. Sancti Rigoris. §.103. Etiam Moderatum Lucrum Ex  
Mutuo Est Usura Prohibita. (§.5.)

---

[urn:nbn:de:hbz:466:1-63759](#)



## CAPUT III.

## Specimen III, Sandi Rigoris.

§. 103.

ETIAM MODERATUM LUCRUM EX MU-  
TUO EST USURA PROHIBITA. (§. 5.)

§. 104.

*Usurarum* **A** Ptissimo elogio GREGORIUS X. in Concilio Lug-  
dunensi appellat *usurarum voraginem*, quæ animas de-  
vorat, & facultates exhaustur. (a) Unde conqueritur  
JUSTINIANUS Imperator, malum hoc per Thraciam  
eò evassisse, ut plerique ea occasione rusticorum diffugerint, ple-  
rique etiam fame perierint, & tetra quedam lues ac contagio ex-  
orta sit, in nullo pene barbarica incursione inferior. (b) Plura  
eiusmodi seditionum, devastationumque, quæ ab usuris  
proveniebant, exempla recensent passim Historici. (c)

(a) *C. 1. de usur. in 6.*(b) *Novell. 32. prefat.*(c) PLUTARCHUS *in Marcio Coriolano.* item *in Lucullo.*  
APPIANUS *lib. 1. bellor. Civil.*

Improbabilitatem fœnectorum, quos *pestilens hominum genus* me-  
ritò appellat, ex S. Ambrofio, & Justiniano Imp. bellè depin-  
git eruditissimus in Academia Ingolstadiensi Ecclesiæ Catholi-  
cæ defensor, & potentissimus Sectariorum, ac Calumniato-  
rum malleus JACOBUS GRETSEURUS *de fun. Christ. lib. 2.*  
*c. 1. edit. recent. tom. 5. fol. 106.*

§. 105.

## §. 105.

Tumultuantem contra foeneratores populum placandum  
vit olim Menenius Agrippa, (a) pervulgatam illam nargravissi-  
rans fabulam de corporis membris contra ignavum sto-<sup>ma</sup>  
machum conquerentibus, cuius aviditati omnem labo-  
rem & ministerium deberent impendere: stomacho vi-  
cissim reponente, se non alio fine intra se omne alimen-  
tum recipere, nisi ut id in omnes reliquas corporis partes  
diffunderet. Persuadere hic Apologus debebat Populo,  
potentiores, ditioresque in Republica non alium in finem  
usurarum lucra exigere, nisi ut illa in utilitatem commu-  
nem dispensent. Tantum boni publici studium nemo su-  
spicabitur in foeneratoribus nostrorum temporum. Se-  
veris remedii obviandum est huic malo, quamvis pro  
temporum & regionum conditione, Principis pruden-  
tia, & alienus ab omni cupiditate animus plus omnibus  
poenis possit efficere. Exempla lectu digna recenset PLU-  
TARCHUS, (b) & TACITUS. (c)

(a) Apud PLUTARCH. in Coriolano.

(b) In Lucullo.

(c) Annal. lib. 6. c. 17.

## §. 106.

Hæc populorum pernicies haud dubiè potissimum potissimum  
adscribenda est Usuris nimium gravibus, & immoderatis, adscri-  
in quibus exigendis, præsertim Judæi identidem sunt com- buntur  
pescendi. Legi meretur supplex libellus MARCELLI SE- usuris im-  
VEROLI, Advocati Romani, (a) quo rogat, usuras tis:  
scutorum decem & octo pro centenario, Judæis Romæ per- modera-  
missas restringi ad moderatiorem quantitatem.

54 CAP. III. Usura etiam moderata est prohibita.

per hoc  
tamen

Inde ex Acatholicis plurimi occasionem sumunt distinguendi inter usuras moderatas, & usuras mordentes : putantque has posteriores solummodo Lege Naturali ac Divina esse damnatas, vocatasque propterea in lingua Hebraica *Nefech*, id est, morsus. (§. 81.)

(a) Apud PASSERIN. ad c. 2. n. 84. de Usur. in 6.

§. 107.

etiam usu-  
ra mode-  
rata

Nihilominus firmiter tenendum est, omne, etiam moderatum lucrum, ratione mutui perceptum, non esse immune à labe usuraria. Id quidem fatendum est, usuras moderatas, si solam consideremus quantitatem pro foenore exactam, non inferre perniciem Reipublicæ, si non superent modicam illam summam, quæ vel in mutuo ex titulis legitimis, ve ex alio affine contractu accipi justè potest, e.g. in emptione census realis, in Monte Pieta-  
tis &c. Nemo enim prudens dixerit, per ejusmodi contractus & justos titulos intra æquitatis limitem constrictos exhaustiri Provincias, devastari populos : consequenter si sola consideretur usuræ quantitas his justis accessionibus æqualis, nondum inferenda timeri potest pernicies populis.

§. 108.

non excus-  
antur :

Veruntamen ex eo, quod usuræ mordentes singularem malitiam præferant, nequaquam culpâ vacat usura moderata ; sicuti furtum leve nullam acquirit honestatem ex eo, quod tantum non inferat damnum, quantum infert furtum grave. (a) Insuper licet usura moderata, si sola spectetur ejus quantitas, Reipublicæ valde noxia non sit ; (§. 107.) si tamen eam consideremus, tanquam adversam Justitiae, & Jure tum naturali, tum Divino prohibitam ; certè sub hac consideratione summè noxiā reipublicæ fateri necesse est ; nam *Justitia elevat gentem, mi-  
seros*

CAP. III. Usura etiam moderata est prohibita. 55

seros autem facit populos peccatum. (§. 9.) Videtur res ista se habere ut generatio prolis, quæ in legitimo matrimonio, planè utilis & necessaria est ad conservationem reipublicæ humanæ: econtra extra legitimam conjunctiōnem detestabilis est, summè noxia, jure naturali ac Divino prohibita. Non aliter moderata pecuniaæ quantitas justè ac etiam piè obtinetur ex licitis titulis, ac contractibus; eadem verò impiè exigitur ex mutuo.

(a) Usura moderata non comparatur furto levi in eo sensu, acsi usuræ moderatæ, uti sunt unciales, sextantes &c. constituant materiam levem in ratione peccati, de quo infra: (§. 145.) sed comparatio hæc eò tendit, quòd usuræ, quæ dicuntur moderatæ, non inferant damnum adeò grave, quantum infertur ex mordentibus; licet usuræ utut moderatæ, constituant materiam gravem contra Justitiam, si summa Capitalis sit notabilis.

§. 109.

Quòd autem quælibet, quantumvis moderata, usu-<sup>sed potius</sup> ra Justitiæ & Legibus repugnet, infertur ex iis rationibus, <sup>adversan-</sup> tur quibus usura simpliciter impugnatur.

§. 110.

Juris naturalis ratio in eo præcipue fundatur, quòd *Juris naturalis*. Lex Mutui, in quo propriam suam sedem habet usura *naturali*, (§. 4.) necessariò in dati atque redditii æqualitate versetur: (§. 6.) quidquid igitur æqualitatem Mutuo propriam turbat; inæqualitatem inducit, contra Juris naturalis præcepta: hoc autem præstat æquè usura modica, ac immoderata, cùm etiam illa sit lucrum ultra sortem, (§. 27.) quamvis minorem malitiam ob minorem quantitatatem contineat. Eadem igitur naturali ratione prohibetur usura modica, qua damnatur immodica: sicuti eadem naturali ratione prohibetur furtum parvum, quo prohibitum est furtum grave.

§. 111.

## §. 111.

*Divino  
veteris,*

Loca S. Scripturæ, quibus usura prohibetur, (§. 88.) nullum omnino discrimen constituunt inter leviores, gravioresque usuras; quælibet enim *mordet* seu *cruciat* mutuò accipientem, qui non nisi ex necessitate aliqua in fœnus consentit. Unde Hebrei adeò rigorosè Leges istas intelligebant, ut crederent, nec salutationis quidem, aliaque humanitatis ex more inter homines usurpari solita officia creditori post mutuum datum à debitore præstanda, nisi ante mutui dationem fuissent inter eos in usu. (a)

(a) SELDENUS de *Jure natur. & gent. juxta discipl. Ebraeor.*  
*lib. 6. c. 9.*

## §. 112.

*& novi  
testamen-  
ti.*

Divinus Servator noster mentem suam sat apertè declaravit, (§. 91.) dum *nihil* ex mutuo sperari voluit, qua voce etiam minima quævis accessio supra sortem excluditur. Neque CHRISTUS usuram aliquam probare videatur, quando increpat ignavum servum, quod pecuniam non dederit ad mensam, unde dominus eam cum usuris exegisset. (a) Neque enim laudatur semper ipsa res, unde similitudo in Scripturis dicitur. Villicus iniquitatis, Judex nec DEum nec homines veritus, amicus ad commodandos tres panes pigerrimus, nequaquam laudatur; inde tamen CHRISTUS traxit similitudines informandis moribus opportunissimas. Eodem modo in allegatis locis Servator noster non probat iniquitatem foenoris, sed provocat ad augmentum virtutis: & ex usura pecuniæ hominibus magis nota, dicit ad usuram gratiæ, ut bona spiritualia nobis commissa bono usu augeamus, cùm inde nihil decedat danti, ingens autem emolummentum proveiat accipienti.

(a) MATTH. XXV. 27. LUC. XIX. 23.

## §. 113.

## §. 113.

Eandem esse mentem SS. Patrum, Conciliorum & <sup>Canonico;</sup> Pontificum, inde facilè colligitur, quòd ab his usura inter peccata injustitiæ referatur: *injustitia autem committitur, quandocunque violatur æqualitas, quod etiam in minimo ultra sortem exacto lucro contingit.*

## §. 114.

Jus Civile Romanum usuras moderatas, si ad evi- & *Civili.* tanda graviora mala tolerat, forte non approbat. Jura autem Germanorum, insistendo Sacris Canonibus, omnem usuram illimitatè rejciunt. Leges quidem antiquiores sæculo nono latæ, (a) ne ullum hac in re dubium relinquant, accurate definiunt *usuram*, ubi amplius requiri-  
tur quam datur: *verbi gratia*, si dederis solidos decem, & amplius requireris; vel si dederis modium unum frumenti, & iterum super aliud exegeris. Nullum prorsus in his apparet vestigium differentiæ inter usuram modicam, vel immo-  
dicam. Neque aliter loquuntur recentiores Imperii Con-  
stitutiones, quæ usuras omnes dominant, nullo permisso  
lucro, nisi quod ex alio superveniente titulo capiatur.

(a) *Capitulari s. ann. 806. c. 12.*

## §. 115.

Ab hac doctrina nequaquam discedunt Professores <sup>Tenent</sup> Ingolstadienses, (§. 82.) qui illimitatè usuras damnant, <sup>hoc Pro-</sup> & Jure naturali ac Divino sine ullo discrimine damnatas <sup>fessores</sup> <sup>Ingolsta-</sup>  
<sup>dientes.</sup> esse consentiunt. Haud dubiè Daniel Concina ex horum numero exemptum volet P. VITUM PICHLER; hunc enim foedus cum MOLINÆO & SALMASIO iniisse af- ferit, (a) ut Concilii Viennensis Decreto fucum faceret,

*Diff. I.*

H

late-

latebrásque quæreret , dicendo , Ecclesiam prohibere non potuisse usuras moderatas.

(a) *Dissert. V. fol. 294.*

§. 116.

*etiam P.  
Pichler,* Non ego loquor cum P. PICHLER , neque in omnibus cum ipso sentio. Id tamen existimo , durius cum eodem agere Auctorem Italum , quam mereatur Vir de Ecclesia Romana editis contra Acatholicos libris , & in Decretales Commentariis , optimè meritus. Dixerat P. PICHLER in suo Jure Canonico , moderatas usuras minus strictè sumptas posse in quibusdam circumstantiis , & ex causa publica permitti ut licitas statuto summi Principis , de qua doctrina agetur in Dissertatione altera. Postquam hanc Conclusionem non levibus argumentis stabilivisse , & inter legitimos emolumenti ultra sortem exigendi titulos , etiam Consuetudinem & statutum summi Principis rite constituisse sibi visus fuit ; intulit alteram propositionem , Ecclesiam nec potuisse , nec voluisse prohibere usuras moderatas , de quibus ibi loquebatur , scilicet ex legitimo titulo , quo nomine etiam statutum Principis intelligit , exigendas. Supposita doctrina antecedente , de qua modò non inquirimus , non puto opus fuisse , ut fœdus cum Acatholicis ineatur ad inferendam propositionem alteram ; constat enim , nec Concilia , nec Romanos Pontifices extra suum territorium & forum , se immiscere regulandis contractibus civilibus aliunde legitimis & justis : Si igitur moderatum emolumentum ultra sortem in certis circumstantiis , & ex causa publica exigendum , quod P. PICHLER usuras minus strictè sumptas appellat , statuto Principis legitimum fieri posse , & factum esse supponatur ( de qua propositione modò non disceptamus ) reprehendi sanè tanta acerbitate non poterit altera illatio , quod Ecclesia ejusmodi emolumentum moderatum , ex sup-

supposito legitimum, prohibere nec voluerit, nec potuerit.

## §. 117.

Si nihilominus dicta Professoris Ingolstadiensis minus *qui immemor honorifica Sedi Apostolicæ videantur, hausta illa sunt non ritè,* ex hæreticis, sed ex Viris gravissimis, quorum nomina ipsi Fr. Danieli venerationi sunt, quique in materia circa usuras adeò à laxitate sunt remoti, ut fatente eodem, (a) potius in alterum extremum rigoris inciderint, & doctrinam plus justo rigidam adversus usuras tradiderint. Cardinalem CAIETANUM & DOMINICUM SOTO intellico, qui dum contra Concilii Lateranensis definitionem Montes Pietatis, iniquitatis & usuræ reos faciunt, auctoritatem universalis Synodì sibi apertè obstantem declinaturi, asserunt, quæstionem hanc, quisnam contractus sit usurarius, quis verò ab hoc crimine liber, non ex sacra scriptura, sed ex nuda philosophia eliciendam esse: ad similes autem philosophiæ disputationes tanquam de fide definiendas, Papam & Concilium non curare falcem suam mittere; aliud enim esse, prohibere usuras sub his aut aliis censuris, quod proprium sit Apostolicum munus; aliud verò examinare, quisnam contractus sit usurarius, quod ex sola natura rerum sit perpendendum &c. Ita CAJETANUS (b) & DOMINICUS SOTO (c) quibus præeuntibus, an necesse erat foedus inire cum MOLINÆO & SALMASIO, ut suppositâ doctrinâ, quam luculenter à se probatam credebat P. PICHLER, inferretur, Ecclesiam nec potuisse, nec voluisse prohibere usuras moderatas, Principum statuto in certis quibusdam circumstantiis, & ex causa publica probatas, id est, licitas & legitimas, de quo tamen supposito alibi redibit sermo.

(a) *Comment. fol. 160.*

(b) *Tr. de Monte Pietatis Cap. 2.*

(c) *De F. & F. l. 6. q. 1. art. 6.*

H 2

§. 118.

&amp; ineptè

Illud non capio, quid ad rem istam pertineat Jronia de Probabilismo, & Probabilistis, qua P. DANIEL CONCINA tractatum suum exornat, post recitata PICHLERI verba exclamando: *en quām sit Ecclesiæ authoritati consentaneus Probabilismus!* quām sint præfervidi Potestatis Ecclesiasticæ vindices Probabilistæ! An non æquo jure licet in CAJETANUM & SOTUM, qui ex rigida contra usuras doctrina auctoritatem universalis Concilii vilipendunt, (§. 117.) simili exclamatione uti: *en quām sit Ecclesiæ authoritati consentaneus Rigorismus!* quām sint præfervidi Potestatis Ecclesiasticæ vindices, rigidæ Doctores. Sed absint hæc ineptiæ. Nec fautor, nec amicus sum mitissimi Probabilismi, sed nec satyricam ejusmodi imputacionem amo, qua singulis ferme foliis, alias interrumpendo sermones, Probabilismum accusat FR. DANIEL, & Probabilistas vocat eos Auctores, quorum mentem de Probabilismo nec quidem perspectam habet. Dicit alia occasione P. CONCINA: (a) *cum hæc ex P. Pichler rescribo, mibi somniare videor, & delirare.* Nunquam tale dictarium à me audiet hic Auctor: qualis tamen sibi videatur, fatenti non obsisto. Id scio, somniantibus & delirantibus opportunè importunè occurrere identidem phantasma altius menti impressa, quorum occursu sermones alii omnes interrumpantur.

(a) *Dissert. V. fol. 285.*

arguitur.

Absit igitur, ut Professor Ingolstadiensis, qualem P. PICHLER per quindecim annos maxima laude & commendatione egit, usuras moderatas tanquam licitas approbet, nisi in iis circumstantiis, in quibus accedit legitimus

gitimus titulus, qui lucrum ultra sortem perceptum ab usuraria pravitate immune reddat. An autem titulus ille, quem assignat P. PICHLER, sit legitimus, hoc loco non disceptamus.



## CAPUT IV.

### *Specimen IV. Sandi Rigoris.*

§. 120.

EX LUCRO MUTUATARI NON FIT LICITUM LUCRUM MUTUANTIS. (§. 5.)

§. 121.

**I**N quatuor fere Classes distingui possunt, qui mutuas *Mutuas* quærunt pecunias. Vel enim I. sunt pauperes, qui pro *pecunias* sua sustentatione iis ita indigent, ut deinceps reddere non *querenti* possint. Vel II. sunt sat bene habentes, nunc tamen *præsum* fenti pecunia opus habent, forte pro elocanda filia &c: eandem postea facile reddituri. Vel sunt III. ejusmodi homines, qui opes suas omnes in superba supellectile, numero famulitio, vestium pompa repositas habent, semper tamen mutuatis pecuniis indigent, ne gulæ, ostentationi, & luxui unquam fomenta deficiant. Vel deum IV. sunt ii, qui quæstuosas negotiationes exercent, aut novos fundos ac prædia coëmtere cogitant: unde pecunias mutuas quærunt, quarum subsidio divitias suas cumulent.

§. 122.

Primam horum *classem* quod attinet, scilicet pauores, qui coguntur mutuum quærere, ut suæ necessitati

H 3

con-